

Tinhundzu ta Masipala wa Tswaing na khamphani yo aka ti khomanisiwa eka ku tlula R40m wa swikweleti swa xibalo

Tshwane, 27 Mhawuri 2021 – Tinhundzu ta masipala wa xifundzatsongo wa Tswaing exifundzenikulu xa eNorth West ti khomanisiwile hi xandlamajaji, tanihi mbuyelo wa xikweleti xa xibalo xa R30-million lexi kolotiwaka Vukorhokeri bya Xibalo bya Afrika-Dzonga (SARS).

Masipala wa xifundzatsongo, lowu angarhelaka madorobatsongo ma Delareyville, Sanieshof na Ottosdal, wu rhumerile mitlheriso eka SARS kambe wu tsandzeka ku endla tihakelo ta Xibalo-Hi-Ku-Ya-Hi-Muholo (PAYE), Levhi ya Nhluvukiso wa Swikili (SDL) na Nkwama wa Ndzindzakhomo yo Helela hi Ntirho (UIF).

Nkahakelo yi fikisile eka xikweleti xa xibalo xa R30-million.

Tikhamphani ta phurayivhete, tindzawulo ta mfumo, ku katsa na vathori van'wana va laveka hi nawu ku susa swibalo leswi ku suka eka vatirhi no hakela timali leti eka SARS.

Eka mhaka yin'wana, xandlamajaji u khomanisile tinhundzu ta khamphani yo aka Independant Minds 107 (PTY) Ltd endzhaku ka ku va yi rhumerile mitlheriso ya PAYE, UIF na SDL handle ko endla hakelo. Xikweleti lexi kayiveleke lexi kolotiwaka hi khamphani i R 10-million

Khomixinara wa SARS Edward Kieswetter u humesele ehandle ku vilela ka yena ko enta eka ntlulavulandzelelanawu hi vomu. SARS a ya ha salangi na goza rin'wana kambe ro pfluxa nawu ku tirhana na vahakelaxibalo valavo lava tlulaka vulandzelelanawu".

Magoza lama ma fambisana na swikongomelo swa kungu swa nhlango, leswi ku nga ku nyika nhlamuselo na ntiyisiso eka vahakelaxibalo leswaku va ta landzelela swiboho swa vona swa xinawu, no endla swi nonoha no durha eka vahakelaxibalo lava nga landzeleriki na swiboho swa vona.

"SARS yi tinyiketerile swinene ku tsuvula ndhavuko lowu nga ku humeleleni laha vurhangeri bya tikhamphani byi fayilaka no rhumela mitlheriso kambe va ha khomile hakelo. Muxaka lowu wa mukhuva wu sikisa nkwama hi leswi nga wu fanela naswona a swi tshamisekangi eka vahakelaxibalo van'wana lava landzelelaka nawu.

U hetisisile hi leswaku "SARS yi yisile rinoko ra yona eka endlelo leri, naswona hinkwavo lava tinghenelerisaka eka mukhuva lowu va nga tiyisiseka leswaku a hi nge langutisi etlhelo, swi nga khathaleki leswaku swi ngenisa khamphani yihi. Hiletlhelo SARS yi tshama yi pfulekerile mimbhurisano mayelana na malulamiso ma mahekelelo, naswona yi ta hlamula handle ko chava, handle ka tintswalo kumbe

ringhohe. Leswi i lemukiso eka hinkwavo lava hlawuleke ku famba hi ndlela leyi ya ntlulo wa vulandzelelanawu." ku vurile Tatana Kieswetter.

Mayelana na vuxokoxoko, tihlanganise na SarsMedia@sars.gov.za